

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होरें आखेआ ऐ जे कुसै बी मुख्य दी आर्थिक ते सामरिक ताकत च समुन्दरी समर्थ दी भूमिका बड़ी महत्वपूर्ण होंदी ऐ।
2. राष्ट्रपति द्रौपदी मुर्मू अज्ज मध्य प्रदेश च कूनो नैशनल पार्क दा दौरा करिये प्रोजेक्ट चीता तैहत हासल प्रगति दी समीक्षा करडन।
3. भारत अज्जै थमां नमीं दिल्ली च ब्रिक्स मुख्यें दे राष्ट्री सुरक्षा सलाहकारें दी दंडु दिनें दा बैठक दी मेज़बानी करोग।
4. इम्तेहानें सरबन्धी राष्ट्री एजेंसी- NTA अज्जै थमां UGC NET जून 2026 दा म्तेहान शुरु करोग।
5. अमरीका दे उपराष्ट्रपति J.D. वेंस सिंह होरें आखेआ ऐ जे ईरान दे कन्नै Switzerland च जारी गल्लबात च प्रगति होआ करदी ऐ।
6. मर्दे दी हॉकी च भारत ने कल रॉटर डैम च FIH प्रो-लीग दे अपने अखीरले मुकाबले च नीदरलैंड गी 3-2 कन्नै हराइयै शानदार जित्त दर्ज कीती।

<><><><><><>

PM -INS

प्रधानमंत्री नरेन्द्र मोदी होरें आखेआ ऐ जे कुसै बी मुख्य दी आर्थिक ते सामरिक शक्ति ते समुन्द्री क्षमता दी महत्वपूर्ण भूमिका हुंदी ऐ ते भारत इसी मज़बूत बनाने दी दिशा च तेजिया कन्नै अगगे बदा रदा ऐ। उ'नें आखेआ जे भारत सच्चाई गी खरी चाल्ली समझदा ऐ ते अपने-आपा गी ओदे लेई तयार करा'रदा ऐ। प्रधानमंत्री होरें

कोलकाता च मुख्यै च तयार त्रै नौ सैनिक पोतें INS दुनागिरी- INS संशोधक ते INS अग्रय गी नौसेना च शामिल करने मगरा आखेआ जे भारत रक्षा क्षेत्र च आत्मनिर्भर बना रदा ऐ ते छड़ा हथियारें दा खरीददार मुख्य बनियै गै नेंई रौहना चांहदा।

<><><><><><>

Prez- Kuno NP

राष्ट्रपति द्रौपदी मुरमू अज्ज मध्य प्रदेश दे श्योपुर च स्थित कुनो राष्ट्रीय उद्यान दा दौरा लाइयै चिता परियोजना दी प्रगति दी समीक्षा करडन ते चीतें दी दिक्खभाल करने आहलें सहयोगियें- वन कर्मियें ते मुकामी लोकें कन्नै गल्लबात करडन। कल राष्ट्रपति होरें चीता कमांड ते कंट्रोल सेंटर दा दौरा कीता हा। अधिकारियें दस्सेआ जे मुख्यै च इसलै 52 चीते न- जिंदे चा 49 कुनो राष्ट्रीय उद्यान च न। प्रधानमंत्री नरेन्द्र मोदी होरें बरे 2022 च नामीबिया थमां औंदे गेदे 8 चीतें गी कुनो राष्ट्रीय उद्यान च छोड़ियें इस परियोजना दी शुरुआत कीती ही। मगरा दक्खन अफ्रीका ते Botswana थमां होर चीते बी इत्थे आने गे।

<><><><><><>

India-BRICS

भारत अज्जै थमां नर्मी दिल्ली च बिक्स मुख्यें दे राष्ट्रीय सुरक्षा सलाहकारें दी 2 दिनें दी बैठक दी मेजबानी करोग। राष्ट्रीय सुरक्षा सलाहकार अजीत डोभाल इस बैठक दी अध्यक्षता करडन। बैठक च भारत- ब्राजील- चीन- रुस- दक्खन अफ्रीका सनें बिक्स दे 11 सदस्य मुख्यें दे सुरक्षा प्रमुख हिस्सा लैडन। बैठक च साइबर सुरक्षा- डिजिटल खतरें- Artificial Intelligence कन्नै जुड़े दे खतरें ते गैर रिवायती सुरक्षा चुनौतियें पर

चर्चा होग। प्रतिनिधि आतंकवाद रोधी सहयोग ते सूचना ते संचार प्रोद्योगिकी दे सुरक्षित इस्तेमाल कन्नै जुड़े दे मुद्दे दी समीक्षा करडन।

<><><><><><>

UGC NET

म्तेहानें सरबंधी राश्ट्री अजेंसी NTA अज्जै थमां UGC NET जून 2026 परीक्षा शुरू करोग। एह राश्ट्रीय स्तह दी पात्रता परीक्षा कम्प्यूटर आधारित टेस्ट CBT माध्यम च इस म्हीने दी 30 तरीक तगर हर रोज 2 Shifts च आयोजित कीती जाग। UGC NET परीक्षा उ'नें मेदवारें लेई करोआई जंदी ऐ जेड़े Junior Research Fellowship- Assistant Professor दी असामियें ते PhD कोर्से लेई प्रवेश आस्तै पात्रता हासिल करना चाहंदे न। NTA नै मेदवारें गी अपने दाखला कार्डस ते इम्तेहान सरबंधी सारी जानकारी ते ब्यौरा खरी चाली दिक्खने लेई आखेआ ऐ।

<><><><><><>

NEET UGC

राश्ट्रीय परीक्षा अजेंसी नै NEET UG -2026 दे कल परतियें लैते गेदे म्तेहान दा सोआलें आला पर्चा लीक होने दे दावें गी खारिज करी दिता ऐ। सोशल मीडिया पर प्रसारित इक वीडियो च एह पर्चा टेलीग्राम पर लीक होने दा दावा कीता गेआ हा। NTA नै आखेआ ऐ जे म्तेहान सख्त सुरक्षा बवस्था हेठ सफलतापूर्वक आयोजित कीता गेआ। अजेंसी नै आखेआ ऐ जे गलत ते झूठी जानकारी फैलाने आहलें खिलाफ साइबर अपराध तालमेल केन्द्र ते होरनें अजेंसियें दे सहयोग कन्नै कारवाई कीती जा'रदी ऐ।

<><><><><><>

CBSE/ Re –evaluation

केन्द्रीय माध्यमिक शिक्षा बोर्ड CBSE नै 12मीं जमात दे अंके दी तस्दीक ते परतिफ मुल्यांकन करिफ नतीजे जारी करना शुरू करी दिते न। बोर्ड मुजब 87 फीसद थमां मते आवेदनं दे नतीजें घोषित कीते जाई चुके दे न- जिसले कि बाकी रौहन्दे नतीजें तौले गै जारी करी दिते जाडन। CBSE नै विद्यार्थियें गी आधिकारिक जानकारीयें पर भरोसा करने ते अफवाहें थमां बचने दी सलाह दिती ऐ।

<><><><><><>

PM -Yoga Day

प्रधानमंत्री नरेन्द्र मोदी होरें “अंतराष्ट्रीय योग दिवस 2026” गी वैश्विक उत्सव बनाने आस्तै दुनिया भरै दे लोकें दा आभार जताया ऐ। सोशल मीडिया दी इक पोस्ट च प्रधानमंत्री होरें आखेआ जे एह दिक्खियै खुशी होई ऐ जे योग सारे क्षेत्रें दे लोकें सनें बक्ख-बक्ख मुख्यें दे लोकें गी सेहतमंद जीवन ते कल्याण दी सांझी खोज च इक-जुट करा रदा ऐ। उ'नें मेद जाहिर कीती जे एह दिन- औने आहले समें च मते लोकें गी योग गी अपने रोजमर्रा दे जीवन दा हिस्सा बनाने आस्तै प्रेरित करोग।

<><><><><><>

US Iran Talks

अमरीका दे उपराष्ट्रपति जे.डी. वैंस होरें आखेआ ऐ जे ईरान दे कन्नै गल्लबात च प्रगति होआ करदी ऐ। स्विट्जरलैंड च ईरान दे परमाणु कार्यक्रम ते इलाकाई सुरक्षा ज्नेह् मुद्दें पर अमरीका ते ईरान दे वरिष्ठ प्रतिनिधिमंडलें बश्कार गल्लबात जारी ऐ। लेक ल्यूसर्न दे नेड्रे बर्गेनस्टॉक रिसॉर्ट च बंद कमरे च होआ करदी इस गल्लबात शा

पैहले जे.डी. वैंस होरें गलाया जे हुनै तगर दी गल्लबात दे नतीजे उत्साह बधाने आहले रेह न ते अग्गे बी प्रगति दी मेद ऐ। गल्लबात दा मुख केंद्र ईरान दा परमाणु कार्यक्रम ऐ। एहदे कन्नै गै इजराइल ते लेबनान बशकार युद्धविराम बनाई रखने सने इलाकाई सुरक्षा दे मुद्दे पर बी चर्चा होआ करदी ऐ। जे.डी. वैंस होरें आखेआ ऐ जे हाल दे कूटनीतिक जतनें करी सकारात्मक नतीजे मिले न ते इलाके च शांति ते स्थिरता बनाई रखने लेई अमरीका लगातार जतन करा'रदा ऐ। पच्छिम एशिया च तनोतनी घट्ट करने ते कूटनीतिक हल दी दिशा च इस गल्लबात पर आलमी बिरादरी दी नजर बरोबर टिकी दी ऐ।

<><><><><><>

Hockey FIH Pro.

मर्दे दी हॉकी च भारत ने कल रॉटरडैम च एफ.आई.एच प्रो लीग दे अपने अखीरले मुकाबले च नीदरलैंड गी 3-2 कन्नै हराइयै शानदार जित दर्ज कीती। भारत दी तरफा जुगराज सिंह, अभिषेक ते राजिंदर सिंह ने गोल कीते। मैच दे पैहले क्वार्टर च दौनें टीमां गोल नेई करी सकियां। दुए क्वार्टर च जुगराज सिंह ने पेनल्टी कॉर्नर पर गोल करियै भारत गी बढ़त दोआई। हालांकि, नीदरलैंड ने तौले गै बरोबरी करी लैती, पर हाफ टाइम शा पैहले अभिषेक ने गोल करियै भारत गी 2-1 दी बढ़त दोआई दिती। दुए हाफ च राजिंदर सिंह ने पेनल्टी कॉर्नर गी गोल च तब्दील करियै भारत दी बढ़त 3-1 करी दिती। मैच दे अखीरले पलें च नीदरलैंड ने इक गोल जरूर कीता, पर भारती रक्षा पंक्ति ने शानदार प्रदर्शन करते होई बढ़त बरकरार रखी ते टीम गी जीत दोआई।

भारती टीम दे स्टैंड-इन कप्तान हार्दिक सिंह गी उंदे उत्कृष्ट नेतृत्व ते मिडफील्ड च शानदार प्रदर्शन लेई 'प्लेयर ऑफ द मैच' चुनेआ गोआ।

<><><><><><>

Women Hockey

तोआई भारती महिला हॉकी टीम ने कल ऑकलैंड च खेड्गे गेदे फाईनल च न्यूजीलैंड गी 2-सिफर कन्नै हराइयै एफ.आई.एच. महिला नेशन्स कप दा दुआ खिताब जिती लैता ते कन्नै एफआईएच महिला प्रो लीग च बी अपनी थाह बनाई लैती ऐ। इस प्रतियोगिता च भारती महिला टीम ने इक बी मैच नेई हारेआ। इस बड्डी उपलब्धि दे जश्न दे तौर उप्पर हॉकी इंडिया ने टीम दी हर इक खेड्गारन लेई 3-3 लक्ख रपे ते सहायक अमले लेई डेढ़-डेढ़ लक्ख रपे दे नगद ईनाम दा ऐलान कीता ऐ। तोआई उपराष्ट्रपति सी. पी. राधाकृष्णन ते प्रधानमंत्री नरेन्द्र मोदी होरें एफआईएच महिला कप जितने पर भारती महिला हॉकी टीम गी बधाई दिती ऐ। सोशल मीडिया पोस्ट च उपराष्ट्रपति होरें आखेआ जे एह उपलब्धि टीम दी सख्त मेहनत ते समर्पण दा सबूत ऐ ते पूरा देश इस उपलब्धि पर गर्व महसूस करदा ऐ। प्रधानमंत्री नरेन्द्र मोदी होरें बी सोशल मीडिया दी इक पोस्ट च टीम दी सराहना करदे होई आखेआ ऐ जे टीम ने पूरी प्रतियोगिता च बड़ा शानदार प्रदर्शन कीता। उ'नें आखेआ जे भारत महिला हाॅकी टीम दी एह जित, केई युवा खेड्गारिएं गी हाॅकी दे खेड्गे कन्नै जुड़ने ताई प्रेरित करग। मोदी होरें भारती टीम गी भविक्ख लेई शुभकामनां बी दितिआं न।

<><><><><><>

Women Cricket

महिलाएं दे टी-20 विश्व कप क्रिकेट च दक्खन अफ्रीका नै भारत गी 6 विकट कन्ने हराई दिता। Manchester च कल रातीं खेडो गेदे ग्रुप-ए दे मुकाबले च भारत दे 159 रन्ज दे लक्ष्य दा पिच्छा करदे होई दक्खन अफ्रीका नै 5 गेदां बाकी रौहन्दे 4 विकटें पर 161 रन्ज बनाई लैते। हालांकि एह मैच भारतीय कप्तान हरमनप्रीत कौर आस्ट्रे ख़ास रेआ। ओह महिला ते मर्दे दे क्रिकेट दौनें च 200 टी-20 अंतराष्ट्रीय मैच खेडने आहली पैहली क्रिकेटर बनी गेइयां न।

<><><><><><>

BCCI England

भारती क्रिकेट कंट्रोल बोर्ड-बी.सी.सी.आई ने 14 जुलाई थमां शुरू होने आहले इंग्लैंड दौरे लेई इक ध्याड़े आहले अंतराष्ट्री मैचें गितै भारत दी 15 मिम्बरी टीम दी घोषणा करी दिती ऐ। टीम च विराट कोहली ते जसप्रीत बुमराह ज्नेह वरिष्ठ खेडारिएं दी वापसी होई ऐ। दौरे पर शुभमन गिल कप्तान ते श्रेयस अय्यर उप-कप्तान होडन। बोर्ड ने रोहित शर्मा, के.एल. राहुल, ईशान किशन, वाशिंगटन सुंदर, अक्षर पटेल, नीतीश कुमार रेड्डी, कुलदीप यादव, जसप्रीत बुमराह, प्रसिद्ध कृष्णा, हर्षित राणा, अर्शदीप सिंह ते गुरनूर बराड़ गी बी टीम च शामिल कीता ऐ। इक ध्याड़े आहले त्रै मैचें दी इस श्रृंखला दा पैहला मैच 14 जुलाई गी एडजबेस्टन च, दुआ मैच 16 जुलाई गी कार्डिफ च ते अखीरला मैच 19 जुलाई गी लॉर्ड्स दे ऐतिहासिक मैदान पर खेडोआ जाहग। इक होर जानकारी च वरुण चक्रवर्ती दी थाहर प्रसिद्ध कृष्णा गी आयरलैंड खलाफ होने आहली द'उं टी-20 मैचें दी श्रृंखला लेई भारती टीम च शामिल कीता गेआ ऐ। भारत पैहले 26

ते 28 जून गी बेलफास्ट च आयरलैंड दे खलाफ टी-20 श्रृंखला खेड्ग, ओहदे परैन्त इंग्लैंड खलाफ पांच मैचें दी टी-20 ते फही इक दिवसीय मैचें दी श्रृंखला खेड्गी जाहग।

<><><><><><>

IMD Weather

मौसम विभाग नै असम ते मेघालय च अज्ज मौलाधार बरखा पौने दा रेड अलर्ट जारी कीता ऐ। विभाग मूजब अरुणाचल प्रदेश- पच्छिम बंगाल दे तराई आहले इलाकें ते सिक्किम च बी अज्ज तेज बरखा पौने दी संभावना ऐ। मौसम विभाग नै दस्सेआ जे बिहार- ओडिशा- आंध्र प्रदेश- कर्नाटक- केरलम- माहे-कोकण-गोवा ते लक्षद्वीप च कल्लै तगर तेज बरखा दा अनुमान ऐ। तमिलनाडू- तेलंगाना- पुदुचेरी- कराईकल- नागालैंड- मणिपुर- मिजोरम ते त्रिपुरा दे किश हिस्सैं च बी ऐसी गै स्थिति बनी रौहने दी संभावना ऐ। दिल्ली- पंजाब-हरियाणा- चंडीगढ़- उत्तराखंड- हिमाचल/प्रदेश- महाराष्ट्र- छत्तीसगढ़- मध्य प्रदेश- जम्मू/कश्मीर ते लद्दाख दे किश क्षेत्रें च अज्ज तेज हवा ते गरज कन्नै बरखा होने दी संभावना ऐ। इस दौरान विदर्भ च अगले त्रै-दिन तगर लू चलने दा अनुमान ऐ।

<><><><><><>